

LG TERRORISM

لیفٹیننٹ گورنر منوج سنہا نے کہیو کہ معاشرہ مانہ بُن وی گُجھ لوک چھپیا وی ہیں جھپڑا جموں کشمیر غا نوجوانان نانہ گمراہ کرن گی کوشش کرریا ہیں تے حال ہی مانہ ایسا کئی معاملات باندھے آیا ہیں۔ وندے ماترم غا 150 سال پورا ہون غا موقع ور منعقد ایک پروگرام مانہ اُنہاں نے زور دیتا واں کہیو کہ ایسا لوکاں غی پہچان کرغے اُنہاں نانہ ختم کرنو ضروری ہے اُنہاں نے کہیو کہ سماج نانہ چابیے کہ دہشت گردی مانہ شامل عناصر نانہ خود تیں الگ کرے تے اُن غی ہر طرح غی مدد بند کی جے۔ ایل جی موصوف نے کہیو کہ ایک جُٹ ہو غے کاروائی کرنو دہشت گردی غا تابوت مانہ آخری کیل ثابت وے غو تے اس سنگ خطہ مانہ مستقل امن قائم وے غو۔

CM GOLF COURSE

وزیر اعلیٰ عمر عبداللہ نے سدھرا مانہ جموں توی گالف کورس مانہ ایک انڈور سومنگ پول غی بُنیاد رکھی تے نوا سیاحتی پروجیکٹ جسراں کہ جموں گیڈی بس سروس غو آغاز کیو۔ نوا تربیت یافتہ پیراگلاڈرز غی تقریب تیں خطاب کرتا واں اُنہاں نے کہیو کہ حکومت جموں توی گالف کورس نانہ ملک غو بہترین گالف غا مقام بنان واسطے پُر عزم ہے۔ وزیر اعلیٰ نے کہیو کہ جموں مانہ ورثہ، مزیبی مقامات، سرحدی علاقوں تے مہماتی سیاحت سمیت بے شمار سیاحتی چیزیں جنہاں نانہ فروغ دین غی ضرورت ہے۔ اُنہاں نے یقین دواو کہ حکومت جموں غی معشیت نانہ مضبوط کرن تے بھارت نانہ سیاحتی نقشہ ور نمایا مقام دوان واسطے مسلسل کوشش کرتی رے غی۔

NOWGAM EXPLOSION

جموں کشمیر مانہ دیر رات سرینگرگا مضافات مانہ نوگام پولیس سٹیشن مانہ ایک حادثاتی دھماکہ مانہ کثیر ہلاکتاں گو خدشو بے سرکاری ذریع نے دسیو ہے کہ دھماکہ واٹ کالر دہشت گرد گا ماڈیول کیس گا سلسلہ مانہ حال ہی مانہ ضبط کیا گیا دھماکہ خیز مواد گا بڑا ذخیرہ تیں نمونہ کڈن گے دوران ہوا بے حادثاتی طورور دھماکو تے فارنسک ماہرین دھماکہ خیز مواد نانہ سنبھال ریا تھا جھپڑو ہریانہ گا فریداباد توں آئیو گیو تھو یوہ مواد حالیہ دہلی گا لال قلعہ دھماکہ غا معاملہ مانہ کثیر ایجنسی کی تحقیقات گا تناظر مانہ ضبط کیو گیو تھو تے اس سلسلہ مانہ مزید تفصیلات گی اجیں اُڑیک ہے۔

JK VANDE MATRAM

جموں کشمیر نے قومی گیت وندے ماترم غا 150 سال مکمل ہون گا ایک ہفتہ توڑی جاری تقریبات مانہ ملک بھر مانہ پہلا نمبر ور جگہ حاصل کی ہے۔ تمام ضلاع مانہ طلباء تے عام لوکاں نے بڑی تعداد مانہ حصولیو۔ تقریبات غا پہلا مرحلہ غو اختتام گزشتہ روز ہوو، جس مانہ جموں گا بکھ بکھ ضلاع جیسراں کہ رامبن، ریاسی تے کٹھوعہ مانہ رنگا رنگ

ثقافتی پروگرام ہوا۔ مولانا آزاد سٹیڈیم مانہہ بون آلی اختتامی تقریب مانہہ 20 ہزار تیں متا طلبہ تے شہریاں نے شرکت کی جس مانہہ قومی جوش و جذبہ غو شاندار مظاہرہ دیکھیو گیو۔ یاہ بھر پور شرکت جموں کشمیر غی گہری ثقافتی وابستگی نانہہ ظاہر کرے تے یوہ اس طویل پروگرام غو شاندار آغاز ہے۔

EoDB AWARD

جموں کشمیر حکومت نانہہ نویں دلی مانہہ اڈیوگ سماگم 2025 مانہہ کاروبار کرن مانہہ آسانی تے کاروباری بدلاؤ عملی منصوبہ 2024 غے تحت ٹاپ اچیور اعزاز نال نوازبو گیو ہے یوہ اعزاز کمشنر سیکرٹری صنعت و تجارت وکرم جیت سنگھ نے مرکزی وزیر پیوش گوپل تیں حاصل کیو جموں کشمیر تمام ریاستاں تے مرکز غے زیر انتظام علاقان مانہہ 5 واں رینک نال نمایاں کارکردگی دسن آلاں مانہہ 5 وچوں 4 اہم اصلاحات آلا شعباں مانہہ سر فہرست ہے جہڑا حکومت گا کاروبار واسطے دوستانہ ماحولیاتی نظام غا عزم غی عکاسی کرے واضع رہے جے یہ سکیم یوٹی نانہہ سرمایہ کاری تے صنعتی ترقی واسطے ایک ترجیحاتی منرل گا طور ور اُجاگر کرے جس نال اس کی شفافیت تے کارکردگی نانہہ تقویت لبے۔

MIDNIGHT MARATHON

جسمانی تندرستی تے برادری غی شمولیت نانہہ فروغ دین واسطے جموں کشمیر اسپورٹس کونسل ریل ٹائم سپورٹس تے کورس غا تعاون غے نال مونالیسا غی معاونت مانہہ اج جموں میڈ نائیٹ غو تیجو شمارو منعقد کرئی ہے آکاشوانی جموں گا نمائندہ غی رپوٹ غے مطابق اس میراتھن مانہہ بکھ بکھ دوڑ گا مقابلہ رکھیا گیا ہیں تانجے پروفیشنل اتھلیٹس تیں لے غے عام صحت پسند لوک اس مانہہ آسانی سنگ حصو لے سکیں۔ یوہ پروگرام مولانا آزاد سٹیڈیم تیں شروع وے گو تے شہر غا اہم رستاں تیں گزر تو وو اگے بدھے غو۔

PROG ANNOUNCEMENT

علاقائی خبراں آلو شعبو آکاشوانی جموں 16 نومبر 2025 نانہہ قومی پریس تہاڑا غا موقع ور 25 منٹ غو ایک خصوصی پروگرام منعقد کرے غو۔ اس خصوصی نشریات غو موضوع وے غو، جمہوریت مانہہ پریس غو کردار یاہ خصوصی نشریات 16 نومبر اتار آلے تہاڑے دوپہر 12 بجے نشر کیو جے غو۔ اس خصوصی نشریات مانہہ مارا مہمان جناب سوہیل کاضمی وین غا جہڑا جے روز نامہ تسکیں اخبار گا ایڈیٹر۔ ان۔ چیف ہیں۔ تے جموں کشمیر غا معارف صحافی ہیں پروگرام غا موضوع ور اپنی بصیرت تے ماہرانہ خیالات غو اظہار کریں گا۔ پروگرام کی میزبانی کریں گا مارا انکر جگموہن شرما۔ سامعین یوہ پروگرام میڈیم ویو 303 میٹر یعنی 990 کلو ہٹز تے ایف ایم 100.3 میگا ہٹز ور سُن سکیں۔
